



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Martini Bonacinæ Vtrivsque Signatvræ Referendarii
Compendium Omnim Operum de Theologia Morali,
omnibusque conscientiæ nodis**

Bonacina, Martino

Coloniæ Agrippinæ

Superstitio.

urn:nbn:de:hbz:466:1-41152

9. Filius non peccat, per se loquendo, non obediens patri in iis quæ pertinent ad vitæ statum, ut in materia religionis, aut matrimonii; per accidens tamen posset etiam in his peccare filius non obediens patri, v.g. si contrahat cum aliqua indigna, &c. & valde consentaneum est honestatum. Filii non ineant matrimonium absque patris consilio, nisi forte habeant justam causam aliter contrahendi, *ibid. n. 18.*

24 & 25.

10. Valida sunt matrimonia quæ fiunt invitis & inscītis parentibus; nam filii in hac materia sunt sui juris, Ecclesia tamen prohibuit ita celebrari, *ibid. n. 23.*

11. Prælatus potest impedire matrimonium contrahendum à filiofamilias cum aliqua indigna, quando ex ejus celebrationē prævidet grave scandalum, ac rixas inter parentes, *ibid. num. 27.*

A D D I T I O.

Quæres: An si virgo libere censem̄tia, stuprum dicatur? Resp. duplicem esse sententiam. Prima communis, esse stuprum, quod optimè explicat Cajet. q. 15. art. 6. sequitur Armill Nav. Med. & Azor. c. 11. q. 5. Secunda sententia est multorum recentiorum, non esse scilicet speciale peccatum, nec stuprum appellandum, nisi per vim tollatur carnis integritas. Petr. Nav. l. 2. cap. 3. n. 433. Sot. dist. 18. q. 2. art. 4. Valsq. 1. 2. disp. 112. n. 2. Resp. E. si sermō sit in rigore metaphysico, & speculativo, secunda hæc sententia videtur probabilior. Ratio, quia nisi sit peculiaris injuria, non potest esse speciale peccatum. Vinc. Filiucius.

Supersticio,

Vid. v. *Decalogus, Divinatio, Idololatria, Observatio vanæ.*

1. Supersticio est falsa religio, id est, cultus vitiosus, quo vel colitur creatura cultu divino, vel Deus modo indebito. Supersticio contingit vel ratione rei cultæ, quatenus creatura colitur cultu Dei, vel ratione modi indebiti colendi Deum, quatenus Deus colitur modo indebito, falso scilicet cultu, v.g. Judæorum, vel superfluo, ut præter Ecclesiæ usum. unde cantans in divino officio voce aut organo turpia, & vanæ, si hæc admisceat tamquam divini officii partem;

gem, peccat cultu falso & superfluo. tom. 2. circa primum De-
calogi preceptum, disp. 3. q. 5 punct. 1. n. 1. &c. seq.

Suspensio.

Vide v. Censura, Clericus.

1. Suspensio propriè accepta est censura Ecclesiastica, qua persona Ecclesiastica impeditur, ne functiones exerceat sui beneficii, vel officii, vel ordinis in totum, vel in partem, in per-
petuum vel ad tempus. Multiplex est suspensio. Alia est ab of-
ficio in totum, vel in partem: alia est poenalis, alia medicinalis:
alia est temporalis, alia perpetua: alia est à jure, alia ab homi-
ne. tom. 1. de Suspensione, disp. 3. punct. 1. n. 1. &c. 2.

2. Judex vel Episcopus qui tulit censuram suspensionis, vel interdicti, potest ex justa causa illam suspendere ad tempus, &
concedere celebranti ut tunc temporis non incurrat irregulari-
tatem, quia censura non ligat ultra intentionem judicis. I-
bid. n. 4.

3. Suspensio lata absolutè absque limitatione expressa vel tacita, suspendit absolutè ab omnibus, id est, ab officio & be-
neficio; lata verò cum expressione alicujus effectus particula-
ris extenditur ad illum effectum, & ad ea quæ sunt illi adnexa
& non alia. Quare suspensus ab ordine, non est eo ipso su-
pensus à jurisdictione, vel beneficio, quia ordo non est ne-
cessario adnexus jurisdictioni aut beneficio Ibid. p. u. c. 2. num.
1. 2. &c. 4.

4. Suspensus ab ordine inferiori censemur suspensus à su-
periori, nisi suspensio expressis verbis restringatur ad inferio-
rem: & suspensus ab ordine absque alia moderatione, intelli-
gitur suspensus à quolibet ordine, sicut suspensus absolutè ab
officio nulla addita limitatione, intelligitur suspensus ab of-
ficio non tantum ordinis, sed etiam jurisdictionis: suspensus
tamen simpliciter ab officio, non intelligitur suspensus à be-
neficio, seu fructibus beneficij. Ibid. num. 7 &c. seq.

5. Collatio beneficii facta suspenso ab officio, est invalida.
Ibid. n. 11.

6. Suspensus à beneficio, intelligitur suspensus tantum à
fructibus beneficij, seu à jure ad fructus: hinc si ut suspensus
à beneficio, teneatur adhuc persolvere onera beneficij. Ibid.
num. 12 &c. 13.